



UNIVERSITI
TEKNOLOGI
MARA

Cawangan Terengganu

INFO US\$AHAWAN

PENAUNG:

DR ROSMAN MAHMOOD

CHIEF EDITOR/KETUA EDITOR:

PUAN NIK FAZLIN HIRYATI NIK JAAFAR

MANAGING EDITOR/EDITOR URUSAN:

CIK NOOR MALINJASARI BINTI ALI

EDITOR

PUAN SUZILA MAT SALLEH
PUAN NASIHA ABDULLAH
PUAN NORHAYATI HUSIN
PUAN ROSEZIAHAZNI ABD GHANI
PUAN 'ATIQA RASHIDAH ABU SAMAH
PUAN HASMIDA MOHD NOOR
PUAN RASLINA MOHAMED NOR
PUAN SITI FATIMAH MARDIAH HAMZAH
ENCIK WAN AHMAD KHUSAIRI WAN CHEK

DESIGNER/PEREKABENTUK

ENCIK ABDUL RANI JUSOH
PUAN NOOR HAFIZA MOHAMMED

EDISI
27

No issn:1823-6421

PPPG dan Keusahawanan: ENT 300 Pencetus Usahawan Graduan

Shamsul Annuar Hj. Sulaimin¹, Mas'udah Asmui¹,
Nurul Zahidah Md. Juperi¹ dan Dr. Siti Fazilah Hamid¹

¹Fakulti Pengurusan dan Perniagaan, Universiti Teknologi MARA Cawangan Pahang, Jengka, Pahang.

Koresponden: nuar@uitm.edu.my

PENGENALAN

Diploma Pengurusan dan Teknologi Pejabat dahulunya dikenali sebagai kursus Stenografi dan diperkenalkan oleh Dewan Latihan RIDA pada tahun 1956 (Jabatan Arkib Universiti, 4 Mei 2020). Diploma ini kemudiannya ditawarkan di Universiti Teknologi MARA (UiTM), Cawangan Pahang, Kampus Jengka sejak tahun 1986 dan sekarang ianya di bawah Pusat Pengajian Pengurusan Gunaan (PPPG), Fakulti Pengurusan dan Perniagaan (FPP). Diploma ini menawarkan pengajian dibidang kesetiausahaan, pentadbiran, pengurusan, dan teknologi pejabat. Graduan diploma ini telah banyak berkecimpung di dalam bidang keusahawanan seperti sektor makanan, perkhidmatan, pengangkutan dan lain-lain lagi.

PPPG DAN PROGRAM KEUSAHAWANAN

UiTM secara khususnya telah memberikan perhatian yang serius dalam meramaikan usahawan graduan dikalangan bumiputera dengan mewajibkan pelajar-pelajar UiTM mengambil Kursus Asas Keusahawanan yang dikenali sebagai "Fundamentals of Entrepreneurship (ENT300)". Kursus ini memberikan pendedahan kepada bakal graduan mengenai keperluan dan persediaan menjadi usahawan setelah tamat pengajian. Setiap pelajar akan melaksanakan kerja kursus secara berkumpulan dan diminta menyediakan Kertas Kerja Rancangan Perniagaan yang akan dibimbing oleh pensyarah yang berpengalaman. Hasil daripada kursus ini, bakal graduan akan mempunyai pengetahuan asas untuk memulakan perniagaan yang melibatkan kertas kerja rancangan perniagaan, pengurusan akaun perniagaan, pemasaran serta pengenalan kepada produk atau perkhidmatan yang ditawarkan.

Sejak tahun 2005, bengkel-bengkel keusahawanan telah dijayakan oleh pihak PPPG antaranya seperti berikut:

- Bengkel Keusahawanan Siswazah 2005 - dengan kerjasama Perbadanan Usahawan Nasional Berhad (PUNB)
- Pengurusan Acara sebagai kerjaya 2010 - yang dihadiri oleh Cik Zahida binti Rafiq yang merupakan bekas graduan PPPG 1999-2001 yang kini merupakan usahawan di dalam industri pengurusan acara.
- Bengkel Usahawan Atas Talian 2013 - ceramah yang disampaikan oleh ikon usahawan siber Malaysia iaitu Dato Muhammed Redzuan Baharuddin (graduan PPPG 2002-2005)

Melalui penganjuran bengkel ini, ia telah memberi impak yang sangat positif kepada graduan-graduan PPPG. Hasilnya satu platform perniagaan atas talian di Facebook iaitu YEE Shopee telah diwujudkan bagi membolehkan usahawan graduan PPPG memasarkan produk dan perkhidmatan mereka.

BIDANG KEUSAHAWANAN YANG DICEBURI OLEH GRADUAN

Mendepani cabaran masa kini, ramai graduan universiti menjadikan bidang keusahawanan sebagai salah satu pilihan kerjaya yang menjanjikan pendapatan lumayan di samping menjadikan mereka lebih proaktif dan sentiasa mencari peluang berinovasi. Antara bidang-bidang yang diceburi oleh graduan PPPG adalah seperti berikut:

- Perkhidmatan
- Peruncitan
- Makanan
- Kesihatan
- Hartanah
- Pengangkutan



Feezan Academy & Skill Training

Sumber: <https://www.facebook.com/FeezanAcademySkillTraining/>

Feezan Academy & Skill Training yang bertapak di Taman Puchong Permai, dimiliki oleh Noor Mahfazan bt Mohd Hanipiah merupakan alumni PPPG yang pernah belajar di UiTM Cawangan Pahang kampus Jengka sekitar tahun 2002-2005. Syarikat ini menjalankan perniagaan motivasi dan latihan. Antara bengkel yang pernah dijalankan di syarikat tersebut adalah Bengkel Pembangunan Modul Latihan *Lifting Supervisor* dan Bengkel Pembangunan Soalan *Certified Construction Project Manager*.

SONIC System Solution (Industry ELV & Security System) yang bertapak di Pengkalan Chepa, Kelantan, merupakan syarikat jenis perkongsian yang salah seorang pemiliknya merupakan graduan PPPG iaitu Muhammad Nasfi Mohd Sukri yang pernah belajar di kampus Jengka sekitar tahun 2008. Syarikat ini juga menawarkan servis secara atas talian bagi mempromosikan perniagaan sekaligus memberikan prospek pelanggan secara lebih meluas.



Minat dalam bidang perurutan, telah mendorong pemiliknya menjalankan perniagaan dalam urutan profesional. Pengiklanan secara atas talian telah membantu Mazuin D'Masseur mendapat bakal pelanggan serta memudahkan bakal-bakal pelanggan untuk mencari dan meneliti perkhidmatan yang dijalankan sebelum membuat keputusan untuk memilih Mazuin D'Masseur.

KESIMPULAN

Elemen kemahuan dan kebolehan graduan dalam mempraktikkan pembelajaran keusahawanan juga merupakan faktor penting yang menyokong pemilihan kerjaya sebagai usahawan. UiTM sentiasa mendokong graduan-graduannya bagi menceburi bidang keusahawanan sama ada di dalam kurikulum pengajaran, aktiviti pembangunan pelajar dan persekitaran universiti.

RUJUKAN

- [1] Jabatan Arkib Universiti, Bil 55/2018: Sejarah Fakulti – Kajian Sains Kesetiausahaan, 4 Mei 2020.



Mazuin D'Masseur

Sumber: <https://www.facebook.com/groups/180936737026112/>